

八

編

類

纂

八編類纂卷之二十一

經濟編

六曹類

吏曹

知帝王有  
失然後知  
已有大失

湯問伊尹曰三公九卿二十七大夫八十一元士知  
之有道乎伊尹對曰昔者堯見人而知舜任人然後  
知禹以成功舉之夫三君之舉賢皆異道而成功然  
尚有失者况無法度而任已直意用人必大失矣故  
君使臣自貢其能則萬一之不失矣子貢問於孔子  
曰今之人臣孰爲賢子曰吾未識也往者齊有鮑叔

鄭有子皮則賢者矣。子貢曰：然則齊無管仲，鄭無子產乎？子曰：賜，汝聞用力爲賢乎？進賢爲賢乎？子貢曰：進賢賢哉！子曰：然，吾聞鮑叔達管仲，子皮達子產，未聞二子之達賢已之才者也。哀公問於孔子曰：人何若而可取也？孔子對曰：毋取搢者，毋取健者，毋取口銳者。哀公曰：何謂也？孔子曰：搢者大給利，不可盡用；健者必欲兼人，不可以爲法也；口銳者多誕而寡信，後恐不驗也。夫弓矢和調而後求其中焉，馬慤愿順然後求其良材焉，人必忠信重厚然後求其知能焉。今人有不忠信重厚而多知能如此人者，譬猶豺狼與。

不可以身近也。是故先其仁信之誠者，然後親之于  
是有知能者，然後任之。故曰：親仁而使能。夫取人之  
術也。觀其言而察其行。夫言者所以抒其匈而發其  
情者也。能行之士必能言之。是故先觀其言而揆其  
行。夫以言揆其行，雖有奸軌之人，無以逃其情矣。哀  
公曰：善。

君之所審者三：一曰德不當其位，二曰功不當其祿，  
三曰能不當其官。此三本者，治亂之原也。故國有德  
義未明于朝者，則不可加于尊位；功力未見于國者，  
則不可授以重祿；臨事不信于民者，則不可使任大

官故德厚而位卑者謂之過德薄而位尊者謂之失  
寧過于君子而毋失于小人過于君子其爲怨淺失  
于小人其爲禍深是故國有德義未明于朝而處尊  
位者則良臣不進有功力未見于國而有重祿者則  
勞臣不勤有臨事不信于民而任大官者則材臣不  
用三本者審則下不敢或三本者不審則邪臣上通  
而便辟制威如此則明塞于上而治壅于下正道捐  
棄而邪事日長三本者審則便辟無威于國道滂無  
行禽疏遠無蔽獄孤寡無隱治故曰刑省治寡朝不  
合衆審戚欲干齊桓公窮困無以自進于是爲滿旅

賃車以適齊暮宿于郭門之外桓公郊迎客夜開門  
辟賃車者執火甚盛從者甚衆寧戚解牛于車下望  
桓公而悲擊牛角疾商歌桓公聞之執其僕之手曰  
異哉此歌者非常人也命後車載之桓公反至從者  
以請桓公曰賜之衣冠將見之寧戚見說桓公以合  
境內明日復見說桓公以爲天下桓公大說將任之  
羣臣爭之曰客衛人去齊五百里不遠不若使人問  
之固賢人也任之未晚也桓公曰不然問之恐其有  
小惡以其小惡忘人之大美此人主所以失天下之  
士也且人固難全權用其長者遂舉大用之而授之

以爲卿當此舉也桓公得之矣所以霸也景公開于晏子曰寡人欲從夫子而善齊國之政對曰嬰聞之國具官而後政可善景公作色曰齊國雖小則何爲不具官乎對曰此非臣之所復也昔先君桓公身體墮懈辭令不給則隰朋侍左右多過刑罰不中則弦章侍居處肆縱左右懾畏則東郭牙侍田野不修人民不安則甯戚侍軍吏怠戎士偷則王子成父侍德義不中信行衰微則甯子侍先君能以人之長續其短以人之厚補其薄是以辭令窮遠而不逆兵加于罪而不頓是故諸侯朝其德而天子致其胙今君

之失多矣未有一士以聞者也故曰未具景公曰善  
吾聞高繚與大夫游寡人請見之晏子曰臣聞爲地  
戰者不能成王爲祿仕者不能成政若高繚與嬰爲  
兄弟久矣未嘗干嬰之過補嬰之闕特仕進之臣也  
何足以補君

言中立  
政篇

聞古之善用入者必循天順人而明賞罰循天則用  
人寡而立功順人則刑罰省而令行明賞罰則伯夷  
盜跖不亂如此則黑白分矣治國之臣効功于國以  
履位見能于官以受職盡力於權衡以任事人臣皆  
宜其能勝其官輕其任而莫懷餘力于心莫負兼官



之貴于君故內無伏怨之亂外無馬服之患明君使  
事不相干故莫訟使士不兼官故技長使人不同功  
故莫爭訟爭訟止技長立則強弱不殲力冰炭不合  
形天下莫得相傷治之至也

韓非用  
人篇

秦興兵欲攻魏司馬唐諫秦君曰段干木賢者也而  
魏禮之天下莫不聞無乃不可加兵乎秦君以爲然  
乃按兵輟不敢攻之魏文侯可謂善用兵矣嘗聞君  
子之用兵莫見其形其功已成其此之謂也野人之  
用兵也鼓聲則似雷號呼則動地塵氣充天流血如  
山扶傷輿歿履涉血無罪之民其歿者量于溝壑

而國之存亡主之歿生猶不可知也其離仁義亦遠

矣

期賢篇

王者官人有六等一曰師二曰友三曰大臣四曰左右五曰侍御六曰廝役知足以爲源泉行足以爲表儀問焉則應求焉則得入人之家足以重人之家人人之國足以重人之國者謂之師知足以爲礪礪行足以爲輔助仁足以訪議明于進賢敢于退不肖內相匡正外相揚美謂之友知足以謀國事行足以爲民率仁足以合上下之驩國有法則退而守之君有難則進而歿之職之所守君不得以阿私託者大臣

也修身正行不恡于鄉曲道語談說不恡于朝廷智  
能不困于事業服一介之使能合兩君之謹執戟居  
前能舉君之失過不難以歿持之者左右也不貪于  
財不淫于色事君不敢有二心居君旁不敢泄君之  
謀君有失過雖不能正諫以其歿持之憔悴有憂色  
不勸聽從者侍御也柔色偃僂唯諛之行唯言之聽  
以睚眦之間事君者廝役也故與師爲國者帝與友  
爲國者王與大臣爲國者伯與左右爲國者疆與侍  
御爲國者若存若亡與廝役爲國者亡可立待也取  
之禮黜位而朝之取友之禮以身先焉取大臣之

禮皮幣先焉。取左右之禮。使使者先焉。取侍御之禮。以令至焉。取廝役之禮。以令召矣。師至則清朝而侍。小事不進。友至則清殿而侍。聲樂技藝之人不並見。大臣奏事則俳優侏儒逃隱聲樂技藝之人不並奏。左右在側。聲樂不見。侍御者在側。子女不雜處。故君樂雅樂則友。大臣可以侍。君樂燕樂則左右侍御者可以侍。君閒非房從薰服之樂。則廝役從。清晨聽治罷朝而論議。從容澤燕夕時閒。非房從薰服之樂。是以聽治論議從容澤燕矜莊皆殊序。然後帝王之業可得而行也。

賈誼官人

方今賊寇始誅王化未行百官有司宜慎其任夫三公上應台宿九卿下括河海故天工人其代之陛下定業雖因下江平林之勢斯蓋臨時濟用不可施之既安宜廢收制度更延英俊因才授爵以匡王國今公卿大位莫非茂陳尚書顯官皆出庸伍資亭長賊捕之用而當輔佐綱維之任唯名與器聖人所重今以所重加非其人望其毗益萬分興化致理譬猶緣木求魚升山採珠海內望此有以闕度漢祚臣非有憎疾以求進也但爲陛下惜此舉措敗材傷錦所宜至慮唯割既往謬妄之失思隆周文濟濟之美

臣聞政化之本必順陰陽。伏見立夏以來當暑而寒。殆以朋罰刻急。郡國不奉時令之所致也。農人急于務而苛吏奪其時。賦發充常調而貪吏割其財。此其巨患也。夫欲急人所務。當先除其所患。天下樞要在于尚書。尚書之選豈可不重。而間者多從郎官超升此位。雖習文法。長于應對。然察察小慧。類無大能。宜簡嘗歷州宰。素有名者。雖進退舒遲。時有不逮。然端心向公。奉職周密。宜鑒膏夫捷急之對。深思絳侯木訥之加也。往時楚獄大起。故置令史以助郎職。而類多小人。好爲姦利。今者務簡可。皆停省。又諫議之職。

應用公直之士通才譽正有補益于朝者今或從徵  
試輩爲大夫又御史外遷動據州郡並宜清選其任  
責以言績其二千石視事雖久而爲吏民所便安者  
宜增秩重賞勿妄遷徙惟留聖心

韋彪上  
章帝

古者諸侯歲貢士進賢受上賞非賢貶爵上升之司  
馬辯論其才論定然後官之任官然後祿之故王者  
得其人進仕勸其行經邦弘務所由久矣漢初詔舉  
賢良方正州郡察孝廉秀木斯亦貢士之方也中興  
以後復增敦朴有道仁賢能直言獨行高節質直清  
敦厚之屬榮路旣廣期望難裁自是竊名僞服浸

以流競權門貴仕請謁繁興自左雄任事限年試才  
頗有不密固亦因識時宜而黃瓊胡廣張衡崔瑗之  
徒泥滯舊方互相詭駁循名者屈其短竒實者挺其  
効故雄在尚書天下不敢妄選十餘年間稱爲得人  
斯亦効實之徵乎順帝始以童弱反政而號令自出  
知能任使故士得用情天下喁喁仰其風采遂乃備  
玄纁玉帛以配南陽樊英天子降寢殿設壇席尚書  
奉引延問失得急登賢之舉虛降已之禮於是處士  
鄙生忘其拘儒拂巾任褐以企旌車之招矣至乃英  
能承風俊又咸事若李固周舉之淵謨弘深左雄黃



瓊之政事貞固、桓焉楊厚、以儒學進、崔瑗、馬融、以文章顯、吳祐、蘇章、种暲、樂巴、牧民之良幹、龐參、虞詡、將師之宏規、王龔、張皓、虛心以推士、張綱、杜喬、直道以糾違、郎顗、陰陽詳密、張衡、機術特妙、東京之士、於茲盛焉、向使廟堂納其高謀、疆場宣其智力、帷幄容其謬辭、舉厯稟其成式、則武宣之軌、豈其遠而、詩云、靡有不初、鮮克有終、可爲恨哉、及孝桓之時、碩德繼興、陳蕃、楊秉、處稱賢宰、皇甫、張、段、出號名將、王暢、李膺、彌縫袞闕、朱穆、劉陶、獻替匡時、郭有道、樊鑒人倫、陳弓弘道下邑、其餘宏儒遠智、高心潔行、激揚風流、

者不可勝言而斯道莫振文武陵墜在朝以正議舉  
戮謝事者以黨錮致災往車雖折而來軫方適所以  
傾而未顛決而未潰豈非仁人君子心力之爲乎嗚

呼

後漢書左雄  
周黃傳論

太傅司馬宣王問以時事玄議以爲夫官才用人國  
之柄也故銓衡專於臺閣上之分也孝行存乎閭巷  
優劣任之鄉人下之敘也夫欲清教審選在明其分  
敘不使相涉而已夫孝行著於家門豈不忠恪於在  
官乎仁恕稱於九族豈不達於爲政乎義斷行于鄉  
黨豈不堪于事任乎三者之類取于中正雖不處其

官名斯任官可知矣。行有大小，比有高下，則所任之流亦煥然明別矣。奚必使中正干銓衡之機於下，而執機柄者有所委仗于上，上下交侵，以生紛錯哉？且臺閣臨下，考功校否，衆職之屬各有官長，旦夕相方，莫究於此閭閻之議，以意裁處，而使臣宰失位，衆人驚駭，欲風俗清靜，其可得乎？天臺縣遠，衆所絕意，所得至者更在側近，孰不修飾以要所求？所求有路，則修己家門者已不如自達於鄉黨矣；自達鄉黨者已不如自求之於州邦矣。苟開之有路，而患其飾真離本，雖復嚴責中正，督以刑罰，猶無益也。豈若使各歸

其分官長則各以其屬能否獻之臺閣臺閣則據官  
長能否之第參以鄉閭德行之次擬其倫比勿使偏  
頗中正則惟考其行迹別其高下審定輩類勿使升  
降臺閣總之如其所簡或有參錯則其責負自在有  
司官長所第中正輩擬比隨次率而用之如其不稱  
責負在外然則內外相參得失有所互相形檢孰能  
相飾斯則人心定而事理得庶可以靜風俗而審官  
才矣又以爲古之建官所以濟育羣生統理民物也  
故爲之君長以司牧之司牧之主欲一而專一則官  
任定而上下安專則職業修而事不煩夫事簡業修

上下相安而不治者未之有也。始自秦世不師聖道。私以御職。姦以待下。懼宰官之不修。立監牧以董之。畏督監之容曲。設司察以糾之。宰牧相累。監察相司。人懷異心。上下殊務。漢承其緒。莫能匡改。魏室之隆。日不暇及。五等之典。雖難卒復。可粗立儀準。以一治制。今之長史。皆君吏民。橫重以郡守。累以刺史。若部所藩。唯在大較。則與州同。無爲再重。宜省郡守。但任刺史。刺史職存。則監察不廢。郡吏萬數。還清農業。以省煩費。夏候玄時事議崔琰毛玠並典選舉。其所舉用皆清之士。雖於時有盛名而行不由本者。終莫得進。振

自務於官  
左無較乎  
考夫

操假人品  
故亦以假  
應之向本  
說到源頭  
處

敦實斥華僞進冲遜抑阿黨由是天下之士莫不以  
廉節自勵雖貴寵之臣輿服不敢過度至乃長吏還  
者垢面羸衣獨乘柴車軍吏入府朝服徒行吏潔於  
上俗移於下操聞之歎曰用人如此使天下人自治  
吾復何爲哉丞相掾和洽言於曹操曰天下之人材  
德各殊不可以一節取也儉素過中自以處身則可  
以此格物所失或多今朝廷之議吏有著新衣乘好  
車者謂之不清形容不飾衣裘敝壞者謂之廉潔至  
今士大夫故汙辱其衣藏其輿服朝府大吏或自挈  
壺餐以入官寺夫立教觀俗貴處中庸爲可繼也今

通人情更  
有大弊低

激詭之行  
非可久可

繼耳

崇一概難堪之行以檢殊塗勉而爲之必有疲瘁古  
之大教務在通人情而已凡激詭之行則容隱僞矣  
操善之

昔聖王崇賢舉善而教用使朝廷德讓野無邪行誠  
以閭伍之政足以相檢詢事考言必得其善人知名  
不可虛求故還修其身是以崇賢而俗益穆黜惡而  
行彌篤斯則鄉舉里選者先聖之令典也自茲以降  
此法陵遲魏氏承顛覆之運起喪亂之後繼之流移  
考詳無地故立九品之制粗具一時選用之本耳其  
始造也鄉邑清議不拘爵位褒貶所加足爲勸勵猶

有鄉論餘風宇間漸染遂計資定品使天下觀望唯以居位爲貴人棄德而忽道業爭多少於錐刀之末傷損風俗其弊不細今九域同規大化方始臣等以爲宜皆蕩除末法一擬古制以上斷定自公卿以下皆以所居爲正無復懸客遠屬異土者如此則同郡隣伍皆爲邑里郡縣之宰即以居長蓋除中正九品之制使舉善進才各由鄉論然則下敬其上人安其教俗興政俱清化與法並濟人知善否之教不在交游即華競自息各求於已矣今除九品則宜準古制使朝臣共相舉任於出才之路旣博且可以厲進賢



之公心

之明闇誠令典也武帝善之而卒不

能改

晉衛瓘立九品是權時之制非經通之道宜復古鄉舉里選與太尉王亮等上疏

古人相與求賢今人相與求爵古之官人君責之於上臣舉之於下得其人有賞失其人有罰安得不求賢乎今之官者父兄營之親戚助之有人事則通無人事則塞安得不求爵乎賢苟求達達在修道窮在失義故靜以待之也爵苟可求得在進取失在後時故動以要之也動則爭競爭競則朋黨朋黨則誣調誣調則臧否失實真偽相冒主聽用惑奸之所會也靜則貞固貞固則正直正直則信讓信讓則推賢推

賢不伐相下無饜王聽用察德之所趣也故能使之  
靜雖曰高枕而人自正不能禁動雖復風夜俗不一  
也且人無愚智咸慕名官莫不飾正於外藏邪於內  
故邪正之人難得而知也任得其正則衆正益至若  
得其邪則衆邪亦集物繁其類誰能止之故國亡失  
世者亦嘗不爲衆邪所積也方其初作必始於微微  
而不絕其終乃著天地不能頓爲寒暑人主亦不能  
頓爲隆替故寒暑漸於春秋隆替起於得失當今之  
世宦者無關梁邪門啟矣朝廷不責賢則正路塞矣  
得失之源何以甚此所謂責賢使之相舉也所謂關

梁便之相保也

卻說對策

臣聞立政者以官才爲本官才有三難而興替之所由也人物難知一也愛憎難防二也情僞難明三也今立中正定九品高下任意榮辱在手操人主之威福奪天朝之權勢愛憎決於心情僞由於已公無考校之負私無告訢之忌用心百態求者萬端廉讓之風滅苟且之俗成天下訥訥但爭品位不聞推讓竊爲聖朝耻之夫名狀以當才爲清品輩以得實爲平安危之要不可不明清平者政化之美也在濫者亂敗之惡也不可不察然人才異能備體者寡罷有太

小遠有早晚前鄙後修宜受日新之報抱正違時宜  
有負直之稱度遠關小宜得殊俗之狀任直不飾宜  
得清實之譽行寡才優宜獲器任之用是以三仁殊  
塗而同歸四子異行而均義陳平韓信笑侮於邑里  
而收功於帝王屈原子胥不容於人主而顯名於竹  
帛是篤論之所明也今之中正不精才實務依黨利  
不均稱尺務隨愛憎所欲與者獲虛以成譽所欲下  
者吹毛以求疵高下逐強弱是非由愛憎隨世興衰  
不顧才實衰則削下興則扶上一人之身旬日異狀  
或以貨賂自通或以計協登進附託者必達守道者

困悴無報於身必見割奪有私於已必得其欲是以  
上品無寒門下品無勢族豎時有之皆曲有故慢主  
罔時實爲亂源損政之道一也置州都者取州里清  
議咸所歸服將以鎮異同一言議不謂一人之身了  
一州之才一人不審便坐之若然自仲尼以上至於  
庖犧莫不有失則皆不堪何獨責於中人者哉若殊  
不修自可更選令重其任而輕其所立品格還防  
才攸攸非州里之所歸非職分之所置今訪之歸正  
於所不服決事於所不職以長讒構之源以生爭爭  
兆似非立都之本旨理俗之深防也主將旣善刁

攸攸之所下而復選以二千石已有數人劉良上攸之所下石公罪攸之所行駁違之論橫於州里嫌讎之隙結於大臣夫桑妾之訟禍及吳楚鬪鷄之變難興魯邦况乃人倫交爭而部黨興刑獄滋生而禍根結損政之道二也木立格之體將謂人倫有序若貫魚成次也爲九品者取下者爲格謂才德有優劣倫輩有首尾今之中正務自遠者則抑割一國使無上人穢劣下比則拔舉非次并容其身公以爲格坐成其私君子無小人之怨官政無繩姦之防使得上欺明主下亂人倫乃使優劣易地首尾倒錯推貴異之

器使在凡品之下。負載不肖。越在虜人之首。損政之道三也。陛下踐阼開天地之德。弘不諱之詔。納忠直之言。以覽天下之情。太平之基。不世之法也。然賞罰自王公以至於庶人。無不加法。置中正委以一國之重。無賞罰之防。人心多故。清平者寡。故怨訟者衆。聽之則告訐無已。禁絕則侵枉無極。與其理訟之煩。猶愈侵枉之害。今禁訟訴。則杜一國之口。培一人之勢。使得縱橫無所顧憚。諸受枉者。抱怨積直。獨不蒙天地無私之德。而長壅蔽于邪人之銓。使上明不下照。下情不上聞。損政之道四也。昔在前聖之世。欲敦風

俗鎮靜百姓隆鄉黨之義崇六親之行禮教庠序以  
相率賢不肖於是見矣然鄉老書其善以獻天子司  
馬論其能以官於職有司考績以明黜陟故天下之  
人退而修本州黨有義朝廷有公正浮華邪佞無  
所容厝今一國之士多者千數或流徙異邦或取給  
殊方面猶不識况盡其才力而中正知與不知其當  
品狀采譽於臺府納毀於流言任已則有不識之蔽  
聽受則有彼此之偏所知者以愛憎奪其平所不知  
者以人事亂其度既無鄉老紀行之譽又非朝廷考  
績之課遂使進官之人棄近求遠背本逐末位以求



成不由行立品不校功黨譽虛妄損政五也凡所以立品設狀者求人才以理物也非虛飾名譽相爲好醜雖孝悌之行不施朝廷故門外之事以義斷恩既以在官職有大小事有劇易各有功報此人才之實効功分之所得也今則反之於限當報雖職之高還附卑品無績於官而獲高叙是爲抑功實而隆虛名也上奪天朝考績之分下長浮華朋黨之士損政六也凡官不同事人不同能得其能則成失其能則敗今品不狀才能之所宜而以九等爲例以品取人或不能之所長以狀取人則爲本品之所限若狀得

九品詔書  
亦不遵行  
私可知已

其實猶品狀相妨。繫繫選而不得精於才宜。况今  
九品所疎則削其長。所親則飾其短。徒結自論以爲  
虛譽。則品不料能自揆。何以得理。萬機何以得修。損  
取七也。前九品詔書善惡必書。以爲褒貶。當時天下  
少有所忌。今之九品所下不彰其罪。所上不列其善。  
虞褒貶之意。任愛憎之斷。清濁同流。以植其私。故反  
違前品。大其形勢。以驅動衆人。使必歸已。進者無功。  
以表勸。退者無惡。以成懲。懲勸不明。則風俗汙濁。天  
下人焉得不解。德行而銳。人事損政。八也。由此論之。  
選中正而非其人。授權勢而無賞罰。或缺中正而無

禁檢故邪黨得肆枉濫從橫雖職名中正實爲姦府  
事名九品而有八損或恨結於親親猜生於骨肉當  
身困於敵讐子孫離其殃咎斯乃歷世之患非徒當  
今之害也是以時三觀時立法防姦消亂靡有常制  
故周因於殷有所損益至於中正九品上聖古賢皆  
所不爲豈蔽於此事而有不周哉將以政化之宜無  
取於此也自魏立以來未見其得人之功而生讐薄  
之累敗風敗俗無益於化古今之失莫大於此愚臣  
以爲宜罷中正除九品棄魏氏之弊法劉毅中正疏  
自北魏官員旣少應選者多吏部尚書李韶銓注不

行大致怨嗟更以崔亮爲吏部尚書亮奏爲格制不問士之賢愚專以停解月日爲斷沈滯者皆稱其能亮甥司空諮議劉景安與亮書曰殷周以鄉塾貢士兩漢由州郡薦才魏晉因循又置中正雖未盡美應什收六七而朝廷貢才止求其文不取其理察孝廉唯論章句不及治道立中正不考才行空辯民姓取士之途不博沙汰之理未精舅屬當銓衡宜湏改張易調如何反爲停年格以限之天下士子誰復修厲名行哉又薛琬上書言黎元之命繫於長吏若以選曹唯取年勞不簡之否義均行鴈次若貫魚執簿呼

名一吏足矣。數人而用何謂銓衡。書奏不報。後因請見復。奏乞令王公貴臣薦賢以補郡縣。詔公卿議之。事亦寢。其後。璣、琬等繼亮爲吏部尚書。利其便。已踵而行之。魏之選舉失人。自亮始也。劉毅中正疏

州郡貢察徒有秀孝之名而無秀孝之實。朝廷但檢其門望不復彈坐。如此則可令別貢門望以叙士人。何假冒秀孝之名也。夫門望者乃其父祖之遺烈。亦何益於皇家。益於時者賢才而已。苟有其才。雖屠釣奴虜。聖王不耻以爲臣。苟非其才。雖三后之胤。墜於阜隸矣。議者或云。今世等無奇木。不若取士於門。此

亦先矣豈可以世無周召遂廢宰相邪但當效其才

長銓重者先叙之則賢才無遺矣

韓顯宗上書陳事

唐置知少長伯裴行儉始與員外郎張仁禕設長名  
姓歷勝引銓注之法又定州縣升降官資高下其後  
遂爲定制無能革之者大略唐之選法取人以身言  
書判計資量勞而擬官始集而試觀其書判已試而  
銓察其身言已銓而注詢其便利已注而唱集衆告  
之然後類以爲甲先簡僕射乃上門下給事中讀侍  
郎省侍中審之不當者駁下既審然後上聞主者受  
言奉行各給以符謂之告身兵部武選亦然課試之

法以騎射及翹關負米人有格限米至而能試文三  
 篇謂之宏詞試判三條謂之拔萃入等者得不限而  
 授其餘中嶺南閩中州縣官不由吏部委都督選擇  
 上人補授凡居官以年爲考六品以下四考爲滿有  
 劉曉者上疏論之曰今選曹以檢勘爲公道書判爲  
 得人殊不知考其德行才能書判借人者衆矣又  
 禮部取士專用文章爲甲乙故天下之士皆捨德行  
 而趨文藝有朝登甲科而夕陷刑辟者雖日誦萬言  
 何關理體文成七步亦足化人取士以德行為先文  
 爲末多士雷奔四方風動矣

忍非其所  
可

桓彥範袁恕已共薦陽嶠爲御史楊再思曰嶠不樂

搏擊之任如何彥範曰爲官擇人豈必待其所欲所

不欲者尤湏與之所以長難進之風抑躁求之路乃

擢爲右臺侍御史

崔融吏部兵部  
議人議

古者取人必先採鄉曲之譽然後辟於州郡州郡有

聲然後辟於五府才著五府然後升之於天朝此則

用一人所擇者甚悉擢一士所歷者甚深夫競趨者

人之常情僥倖者人之所趣今之務進不避僥倖者

接踵比肩布於文武之列有文者用理內外則有回

邪賊污上下敗亂之憂有武者用將軍戎則有庸懦



發進者文  
武必以貪  
怯敗

怯弱師旅喪亡之患補授無限員闕不供遂至員外  
置官數倍正闕曹署典吏困於祇承府庫倉儲竭於  
資俸國家大事豈甚於此古者懸爵待士雖有才者  
得之若任以無才則有才之路塞賢人君子所以遁  
跡銷聲常懷歎恨者也且賢人君子守於正直之道  
遠於僥倖之門若僥倖開則賢者不可復出矣賢者  
遂退若欲求人安化洽復不可得也若乃不安國將  
危矣陛下安可不深慮之

韋嗣立論職  
官多濫疏

陛下降不訾之澤近戚有無涯之請賣官利已鬻法  
徇私臺寺之內朱紫盈滿官職益輕恩賞咸貴貪利

之輩冒進而不識廉隅。方雅之流知難而歛。分丘壠則才者莫用。居者不才。貞觀故事。宰相子弟多居外職者。非且抑強宗。分大族。亦以退不肖。擇賢才伏願陛下遠稽舊典。近遵先聖。特降御勅。令宰相以下及諸司長官子弟並改授外官。蕭至忠諫實官需爵宰相子弟居要職疏自亡國之季。雖雜縱橫。而漢代求材。猶徵百行。是以禮節之士。敏德自修。閭里推高。然後爲府寺所辟。魏氏取人。尤愛放達。晉宋之後。祇重門資。有梁薦士。雅愛屬辭。陳氏簡賢。特珍賦詠。故其俗以詩酒爲重。不以修身爲務。逮至隋室。餘風尚存。開皇中。帝納李諤

之策由是下制禁斷文筆浮辭其年泗州刺史司馬  
幼之以表不典實得罪於是風俗改勵政化大行煬  
帝嗣興又變前法置進士等科於是後主之徒復相  
放倣因陋就寡赴速邀時緝綴小文名之策學今之  
舉人有乖事實鄉議決小人之筆行修無長者之論  
策第喧競於州府祈恩不勝於拜伏或明制纔出試  
遣搜敎驅馳府寺之門出入王公之第上啟陳詩唯  
希咳唾之澤摩頂至足冀荷提攜之恩故俗號舉人  
皆稱覓舉今訪鄉閭之談唯祇歸於里正縱使名虧  
禮則罪挂刑章或冒籍以儉資或邀勲而竊級假其

不義之賂則是無犯鄉閭豈得比郭有道之銓量茅  
容望重裴逸人之賞拔夏少名高語其優劣也祇如  
才應經邦之流唯令試策武能制敵之例祇驗彎弧  
若其文擅清竒便充甲第藻思微減旋即告歸以此  
收人恐乖事實何者樂廣假筆於潘岳靈運授辭於  
穆之平津文劣於長卿子建筆麗於荀彧若以射策  
爲最則潘謝曹馬必居孫樂之右若使協贊機猷則  
安仁靈運亦無裨附之益由此言之不可一槩而取  
也至如武藝則趙雲雖勇資諸葛之指撝周勃雖雄  
乏陳平之計畧使樊噲居蕭何之任必無指縱之機

使蕭何入戲下之軍。亦無免主之效。關將長於摧鋒。謀將審於料事。是以文淵聚米。知隗囂之可圖。陳湯屈指識烏孫之自解。八難之謀。設高祖追慙於酈生。九拒之計。窮公輸息心於伐宋。謀將不長於弓馬。良相寧資於射策。豈與夫元長自表。妄飾辭鋒。曹植題章。虛飛麗藻。校量其可否也。謹按諸葛亮臨戎不親戎服。頓蜀兵於渭南。一王持勁卒不敢當此。豈弓矢之用也。謹按楊德意誦長卿之文。武帝曰。恨不得與此人同時。及相如至。終於文園。令不以公卿之位處之者。蓋非其所任故也。謹案漢法所舉士之主終身。

保任楊雄之坐田議責其冒薦成子之居魏相顯於  
得賢賞罰之令行則請謁之心絕退讓之義著則貪  
競之路銷自然朝廷無爭祿之人選司有撝謙之士  
仍請寬立年限容其採訪簡汰堪用令其試守以觀  
能否參驗行事以別是非不實免王冊之官得人加  
翟璜之賞

薛登請選舉  
擇賢才疏

八編類纂卷之二十二

經濟編

六曹類

吏曹

信仕

齊桓公之時晉客至有司請禮桓公曰告仲父者三而優笑曰易哉爲君一曰仲父二曰仲父桓公曰吾聞君人者勞於索人佚於使人吾得仲父已難矣已得仲父之後何爲不易哉或曰桓公之所應優非君人者之言也桓公以君人爲勞於索人何索人爲勞哉伊尹自以爲宰于湯百里奚自以爲虜于穆公虜

所辱也。宰所羞也。蒙羞辱而接君上賢者之憂世急也。然則君人者無逆賢而已矣。索賢不爲人主難。且官職所以任賢也。爵祿所以賞功也。設官職陳爵祿而士自至。君人者何其勞哉。使人又非所佚也。人雖使人必以度量準之以刑名參之以事遇於法則行不遇於法則止功當其言則賞不當則誅以刑名收臣以度量準下此不可釋也。君人者焉佚哉。索人不勞使人不佚而桓公曰勞於索人佚於使人者不然且桓公得管仲又不難管仲不死其君而歸桓公鮑叔輕官讓能而任之桓公得管仲又不難明矣。已得



管仲之後奚遽易哉。管仲非周公旦。周公旦假爲天子七年。成王壯授之以政。非爲天下計也。爲其職也。夫不難奪子而行天下者。必不背死君而事其讐。倍死君而事其讐者。必不難奪子而行天下。不難奪子而行天下者。必不難奪其君國矣。管仲公子糾之臣也。謀殺桓公而不能其君死。而臣桓公。管仲之取舍。非周公旦未可知也。若使管仲大賢也。且爲湯武。湯武桀紂之臣也。桀紂作亂。湯武奪之。今桓公以易居其上。是以桀紂之行。居湯武之上。桓公危矣。若使管仲不肖人也。且爲田常。田常簡公之臣也。而弑其君。

今桓公以易居其上。是以簡公之易居田常之上也。桓公又危矣。管仲非周公旦亦以明矣。然爲湯武與田常未可知也。爲湯武有桀紂之危。爲田常有簡公之亂也。已得仲父之後。桓公奚遽易哉。若使桓公之任管仲。必知不欺已也。是知不欺主之臣也。然雖知不欺主之臣。今桓公以任管仲之專。惜豎刁易牙。重流出尸而不葬。桓公不知臣欺主與不欺主已明矣。而任臣如彼其專也。故曰桓公闇主。韓非難二篇聖人之道有經。有權。有機。是以有民有羣臣。而又有腹心之臣。曰經者。天下之民舉知之可也。曰權者。民

論亦正

不得而知矣。羣臣知之可也。曰機者。雖羣臣亦不得而知矣。腹心之臣知之可也。夫使聖人而無權。則無以成天下之務。無機。則無以濟萬世之功。然皆非天下之民所宜知。而機者。又羣臣所不得聞。羣臣既不得聞。誰與議。不議。不濟。然則所謂腹心之臣者。不可一日無也。後世見三代取天下。以仁義。而守之以禮樂也。則曰。聖人無機。夫取天下。與守天下。無機不能。顧三代聖人之機。不若後世之詐。故後世不得見耳。有機。也是以有腹心之臣。禹有益。湯有伊尹。武王有太公望。是三臣者。聞天下之所不聞。知羣臣之所不

知禹與湯武倡其機於上而三臣者和之於下以成萬世之功下而至於桓文有管仲狐偃爲之謀主闔廬有伍員句踐有范蠡大夫種高祖之起也大將任韓信黥布彭越裨將任曹參樊噲滕公灌嬰游說諸侯任酈生陸賈樅公至於奇機密謀羣臣所不與者唯留侯鄼侯二人唐太宗之臣多奇才而委之深任之密者亦不過曰房杜夫君子爲善之心與小人爲惡之心一也君子有機以成其善小人有機以成其惡有機也雖惡亦或濟無機也雖善亦不克是故腹心之臣不可以一日無也司馬氏魏之賊也有賈充

之徒爲之腹心之臣以濟。陳勝吳廣秦民之湯武也。無腹心之臣以不克。何則無腹心之臣者無機也有機而洩也。夫無機與有機而洩者。譬如庖豹食人而不知設陷阱。設陷阱而不知以物覆其上者也。或曰機者創業之君所假以濟耳。守成之世其奚事機而安用夫腹心之臣。嗚呼。守成之世能遂熙然如太古之世矣乎。未也。吾未見機之可去也。且夫天下之變常伏於燕安。田文所謂子少國危。大臣未附。如此等事。何世無之。當是之時而無腹心之臣。可爲寒心哉。晉者高祖之末。天下既定矣。而又以周勃遺孝惠孝

文武帝之末天下旣治矣而又以霍光遺孝昭孝宣  
蓋天下雖有泰山之勢而聖人常以累卵爲心故雖  
守成之世而腹心之臣不可去也傳曰百官總已以  
聽於冢宰彼冢宰者非腹心之臣天子安能舉天下  
之事委之三年而不置疑於其間耶又曰五載一巡  
狩彼無腹心之臣五載一出捐千里之畿而誰與守  
耶今夫一家之中必有宗老一介之士必有密友以  
開心胸以濟緩急奈何天子而無腹心之臣乎近世  
之君抗然於上而使宰相渺然於下上下不接而其  
志不通矣臣視君如天之遼然而不可親而君亦如

天之視人泊然無愛之之心也。是以社稷之憂。彼不以爲憂。社稷之喜。彼不以爲喜。君憂不辱。君辱不死。一人譽之。則用之。一人毀之。則捨之。宰相避嫌。畏譏。且不暇。何暇盡心以憂社稷。數遷數易。視相府如傳舍。百官汎汎於下。而天子惴惴於上。一旦有卒然之憂。吾未見其不顛沛而殞越也。聖人之任腹心之臣也。尊之如父。師愛之如兄弟。握手入臥內。同起居寢食。知無不言。言無不盡。百人譽之。不加密。百人毀之。不加疎。尊其爵。厚其祿。重其權。而後可與議天下之機。慮天下之變。太祖用趙中令也。得其道矣。近者寇

不可見人  
有之生  
失矣

萊公亦誠其人然與之權輕故終以見逐而天下幾  
有不測之變然則其必使之可以生人殺人而後可  
也蘇海遠  
惠論

當立法之弊也其君必曰吾用某也而天下不治是  
某不可用也又從而易之不知法之弊而移咎於其  
人及其用人之失也又從而尤其法法之變未有已  
也如此則雖至於覆敗死亡相繼而不悟豈足怪哉  
古之興王二人而已湯以伊尹文王以太公皆捐天  
下以與之而後伊呂得捐其一身以經營天下君不  
疑其臣功成而無後患是以知無不言言無不行其



所欲用雖其親愛可也。其所欲誅雖其讐隙可也。使其心無所顧忌。故能盡其才而責其成功。及至後世之君。始用區區之小數。以繩天下之豪俊。故雖有國士而莫爲之用。夫賢人君子之欲有所樹立以著不朽於後世者。甚於人君。顧恐功未及成而有所奪。祇以速天下之亂耳。鼂錯之事斷可見矣。夫奮不顧一時之禍。決然徒欲以身試人主之威者。是亦其所挾者不甚大也。斯固未足與有爲而沉毅果敢之士。又必有待而後發。苟人主不先自去其不可測而示其可信。則彼孰從而發哉。慶曆中。天子急於求治。擢用

元老天下日夜望其成功。方其深思遠慮而未有所發也。雖天子亦遲之。至其一旦發憤。條天下之利害。百未及一二。而舉朝喧嘩。以至於逐去。曾不旋踵。此天下之士所以相戒而不敢深言也。居今之勢而欲納天下於至治。非大有所矯拂於世俗。不可以有成也。何者。天下獨患柔弱而不振怠情。而不肅苟且偷安。而不知長久之計。臣以爲宜如諸葛亮之治蜀。王猛之治秦。使天下悚然。人人不敢飾非。務盡其心。凡此者皆庸人之所大惡。而讒言之所由興也。是故先王拒關張之間。而後孔明得以盡其才。苻堅斬樊世

賢求

逐仇騰黜席寶而後王猛得以畢其功。夫天下未嘗  
無二子之才也。而人主思治又如此之勤。相須甚急  
而相合甚難者。獨患君不信其臣。而臣不測其君而  
已矣。惟天子一日慨然明告執政之臣。所以欲爲者  
使知人主之深知之也。而內爲之信。然後敢有所發  
於外。而不顧不然。雖得賢人千萬。一日百變法天下  
益不可治。歲復一歲。而終無以大慰天下之望。豈不  
亦甚可惜哉。蘇軾任人策

賢良所以屢求而不至。難進而易退者。非爲愛身而  
不死王事。適恐盡忠而主莫之信耳。自知有材識之

人外恭謹而內無怠其於衆也。穌正而不狎親之則。彌莊踈之剛。退去而不怨窮厄。剛以命自寬。榮達則以道自止。人有跡其儀賢也。旺其聲賢也。徵神課識。或負所望。夫賢人其見用也。入則諷。出則勸。默職司勤。辨居室儉。閒其未見用也。藏身於衆。藏識於目。藏言於口。飽食安步。獨善其身。貞而不怨。智者不疑。事識者不疑。人有識之士。行危而色不可踈。言遜而理不可拔。凡謂賢人不自稱。賢效在官。功在事。事太平之時。上士運其識。中士竭其才。小人輸其力。祭公曰。夫子云。賢人不求而自至。亦有非賢不求而自至。

者。庠。亢。倉。子。曰。夫。非。賢。不。求。而。自。至。者。固。衆。矣。夫。天。下。有。道。則。賢。人。不。求。而。自。至。天。下。無。道。則。非。賢。不。求。而。自。至。人。主。有。道。者。寡。無。道。者。衆。天。下。賢。人。少。不。肖。者。多。是。知。非。賢。不。求。而。自。至。者。多。矣。

亢倉子  
賢道篇

孟嘗君問于白圭曰。魏文侯名過于桓公。而功不及。五伯何也。白圭對曰。魏文侯師子夏。友田子方。敬段干木。此名之所以過於桓公也。卜相則曰成與璜孰可。此功之所以不及五伯也。以私愛妨公舉。在職者不堪其事。故功廢。然而名顯。榮者三士翊之也。如相三士。則王功成。豈特霸哉。

此詔與吾  
能尊顯之  
詔過一頭  
地矣

蓋有非常之功必待非常之人故馬或奔蹏而致于  
里士或有負俗之累而立功名大泛駕之馬蹏弛之  
士亦在御之而已其今州縣察吏民有茂才異等可  
為將相及使絕國者

武帝下州郡求賢詔

公卿大夫所使總方略壹統類廣教化美風俗也夫  
本仁祖義褒德錄賢勸善刑暴五帝三王所繇昌也  
朕夙興夜寐嘉與宇內之士臻於斯路故旅耆老復  
孝敬選豪俊講文學稽叅政事祈進民心深詔執事  
興廉舉孝庶幾成風紹休聖緒夫十室之邑必有忠  
信三人並行厥有我師今或至閭郡而不薦一人是

此又取積行之君子  
程可為將相  
積行君子則郡國  
也

化不下究而積行之君子壅於上聞也二千石官長紀綱人倫將何以佐朕燭幽隱勸元元厲蒸庶崇鄉黨之訓哉且進賢受上賞蔽賢蒙顯戮古之道也其與中二千石禮官博士議不舉孝廉者罪議不舉孝廉者罪詔人不患其不知患其為詐也不患其不勇患其為暴也不患其不富患其亡祿也其唯廉士寡欲易足今訾算十以上迺得官廉士筭不必衆布市籍不得官無訾又不得官詔甚愍之訾筭四得官亡令廉士久失職貪夫長利廉詔古之求賢者數路以取之寵以好爵厚其禮命唯恐

其去也而猶有三聘而不顧者有閉門而不納者有  
踰垣而避之者臣諫於其君而三不聽則去之其至  
於郊也君必使人要之年七十而致其事君不聽則  
必以几杖錫之猶有不稅冕而行者有辭三公而爲  
人灌園者今日仕進之門國家直患不能塞之爾科  
防日增格令日繁來者日甚拒之日峻猶有假名氏  
以竊官誦匪苦塊之哀以干寵祿少者增齒以布蚤  
仕老者匿年以幸晚祿譬之隄防之壞塞其一穴一  
穴又決蕩然莫之能止也今限年致仕著於令矣又  
患其去之不速令於門闕以示百僚而猶不知止者



賢寶

甚可痛也。陛下盍稍補其弊，隆於待士之意，示之以至廉之實，使衣冠者人人自重，庶幾風教之美少近於古。

梁守文之碑上  
南宗皇帝書

楚王孫圉聘於晉，定公饗之。趙簡子鳴玉以相問於王孫圉曰：「楚之白珩猶在乎？」對曰：「然。」簡子曰：「其爲寶也幾何矣？」曰：「未嘗爲寶。楚之所寶者，曰觀射父，能作訓辭以行事於諸侯，使無以寡君爲口實。又有左史倚相，能道訓典以叙百物，以朝夕獻善敗于寡君，使寡君無忘先王之業，又能上下說乎鬼神，順道其欲，惡使神無有怨痛于楚國。又有數曰雲、連、徒、洲、金、木。」

竹箭之所生也。龜珠齒角皮革羽毛所以備賦用以  
戒不虞者也。所以共幣帛以賓享於諸侯者也。若諸  
侯之好幣具而導之以訓辭有不虞之備而皇神相  
之寡君其可以免罪於諸侯而國民保焉。此楚國之  
寶也。若夫白珩先王之玩也。何寶焉。圉聞國之寶六  
而已。聖能制議百物以輔相國家則寶之。玉足以庇  
廕嘉穀使無水旱之災則寶之。龜足以憲臧不則寶  
之。珠足以禦火災則寶之。金足以禦兵亂則寶之。山  
林藪澤足以備財用則寶之。若夫譁囂之美楚雖蠻  
夷不能寶也。

薦賢

自季使過冀見冀缺擗其妻饁之敬相待如賓與之  
歸言諸文公曰敬德之聚也能敬必有德德以治民  
君請用之臣聞之出門如賓承事如祭仁之則也公  
曰其父有罪可乎對曰舜之罪也殛鯀其衆也興禹  
管敬仲桓之賊也實相以濟康誥曰父不慈子不祗  
兄不友弟不共不相及也詩曰采芣采芣無以下體  
君取節焉可也文公以爲下軍大夫反自箕襄公以  
三命命先且居將中軍以再命命先茅之縣賞胥臣  
曰舉郤缺子之功也以一命命郤缺爲卿復與之冀  
亦未有軍行

祁奚請老晉侯問嗣焉稱解狐其讐也將立之而卒  
又問焉對曰午也可於是羊舌職死矣晉侯曰孰可  
以代之對曰赤也可於是使祁午爲中軍尉羊舌赤  
佐之君子謂祁奚於是能舉善矣稱其讐不爲詔立  
其子不爲比舉其偏不爲黨商書曰無偏無黨王道  
蕩蕩其祁奚之謂矣解狐得舉祁午得位伯華得官  
建一官而三物成能舉善也夫唯善故能舉其類詩  
云惟其有之是以似之祁奚有焉

賈辛將適其縣見於魏子魏子曰辛來晉叔向適鄭  
驪戔惡欲觀叔向從使之收器者而往立於堂下一

爲才所  
動

言而善。叔向將飲酒。聞之曰。必醜也。下執其手以  
上曰。晉賈大夫惡娶妻而美。三年不言不笑。御以如  
皐。射雉獲之。其妻始笑而言。賈大夫曰。才之不可以  
已。我不能射。女遂不言不笑。夫今子少不覲。子若無  
言。吾幾失子矣。言之不可以已也如是。遂如故。知今  
女有力於王家。吾是以舉女。行乎敬之哉。毋墮乃力。  
仲尼聞魏子之舉也。以爲義。曰。近不失親。遠不失舉。  
可謂義矣。又聞其命賈辛也。以爲忠。詩曰。永言配命。  
自求多福。忠也。魏子之舉也。義其命也。忠其長有後  
於晉國乎。

愚得人之始

八編卷三

卷三

三

淳于髡一日而見七人於宣王王曰子來寡人聞之  
千里而一士是比肩而立百世而一聖若隨踵而至  
也今子一朝而見七士則士不亦衆乎淳于髡曰不  
然夫鳥同翼者而聚居獸同足者而俱行今求柴胡  
桔梗於沮澤則累世不得一焉及至澤黍梁父之陰  
則鄰車而載耳夫物各有疇今髡賢者之疇也王求  
士於髡若挹水於河而取火于燧也髡將復見之豈  
特七士也

可為相

田子方渡西河造翟黃翟黃乘軒車載華蓋黃金之  
勒約鎮簞席如此者其馴八十乘子方望之以爲人

君也道狹下抵車而待之翟黃至而睹其子方也下車而趨自投下風曰觸田子方曰子與吾嚮者望子疑以爲人君也子至而人臣也將何以至此乎翟黃對曰此皆君之所以賜臣也積三十歲故至于此時以閒暇祖之曠野正逢先生子方曰何子賜車舉之厚也翟黃對曰晉者西河無守臣進吳起而西河之外寧鄴無令臣進西門豹而魏無趙惠峻棗無令臣進北門可而魏無齊愛魏欲攻中山臣進樂羊而中山拔魏無使治之臣臣進李克而魏國大治是以進此五大夫者爵祿倍以故至於此子方曰可子勉之

矣魏國之相不去子而之他矣翟黃對曰君母弟有公孫季成者進子夏而君師之進段干木而君友之進先生而君敬之彼其所進師也友也所敬者也臣之所進者皆守職守祿之臣也何以至魏國相乎子方曰吾聞身賢者賢也能進賢者亦賢也子之五舉者盡賢子勉之矣子終其次也

韓信亡楚歸漢未得知名為連敖坐法當斬其輩十三人皆已斬次至信信乃仰視適見滕公曰上不欲就天下乎何為斬壯士滕公奇其言壯其貌釋而不斬與語大說之言於上上拜以為治粟都尉上未之



奇也信數與蕭何語何奇之至南鄭諸將將行道亡者  
數十人信度何等已數言上上不我用即亡何聞信  
亡不及以聞自追之人有言上曰丞相何亡上大怒  
如失左右手居一二日何來謁上上怒且喜罵何  
曰若亡何也何曰臣不敢亡也臣追亡者上曰若所  
追者誰何曰韓信也上復罵曰諸將亡者以十數公  
無所追追信詐也何曰諸將易得耳至如信者國士  
無雙王必欲長王漢中無所事信必欲爭天下非信  
無所與計事者顧王策安所決耳王曰吾亦欲東耳  
安能鬱鬱久居此乎何曰王計必欲東能用信信即

留○不○能○用○信○終○亡○耳○王○曰○吾○爲○公○以○爲○將○何○曰○雖○爲○  
將○信○必○不○留○王○曰○以○爲○大○將○何○曰○幸○甚○於○是○王○欲○召○  
信○拜○之○何○曰○王○素○慢○無○禮○今○拜○大○將○如○呼○小○兒○耳○此○  
乃○信○所○以○去○也○王○必○欲○拜○之○擇○良○日○齋○戒○設○壇○場○具○  
禮○乃○可○耳○王○許○之○諸○將○皆○喜○人○人○各○自○以○爲○得○大○將○  
至○拜○大○將○乃○韓○信○也○一○軍○皆○驚○

孝○悌○天○下○之○大○順○也○力○田○爲○生○之○本○也○三○老○衆○民○之○  
師○也○廉○吏○民○之○表○也○朕○甚○嘉○此○二○三○大○夫○之○行○今○萬○  
家○之○縣○云○無○應○今○豈○實○人○情○是○吏○舉○賢○之○道○未○備○也○  
其○遣○謁○者○勞○賜○三○老○孝○者○帛○人○五○匹○悌○者○力○田○二○匹○

各率其意  
不立條教  
漢法所以  
近古

廉吏二百石以上率百石者三匹及問民所不便安  
而以戶口率置三老孝悌力田常員令各率其意以  
道民焉

文並置三老孝  
悌力田常員詔

明主游心太古廣延茂士此誠忠臣竭忠之時也直  
敞遠守劇郡馭於繩墨旬臆約結固亡奇也雖有亦  
安所施足下以清明之德掌周稷之業猶飢者甘糟  
糠穰歲餘梁肉何則存亡之勢異也咎陳平雖賢須  
魏倩而後進韓信雖奇賴蕭公而後信故事各達其  
時之英俊若必伊尹呂望而後薦之則此人不因足  
下而進矣邑感敞言貢薦賢士大夫多得其助者

張敞

為膠東相

與朱邑書

喜行義修潔忠誠憂國內輔之臣也。今以寢病一旦  
遣歸。衆庶失望。皆曰。傅氏賢子。以論議不合於定陶。  
太后故退百祭。莫不為國恨之。忠臣社稷之衛。魯以  
季友治亂。楚以子玉輕重。魏以無忌折衝。項以范增  
存亡。故楚跨有南土。帶甲百萬。鄰國不以為難。子玉  
為將。則文公側席而坐。及其死也。君臣相慶。百萬之  
衆。不如一賢。故秦行千金以間廉頗。漢散萬金以疏  
亞父。喜立於朝。陛下之光輝。傅氏之廢興也。何武言  
吳良初為郡吏。歲旦與掾史入賀門。下掾王望舉觴

上壽詔稱太守功惠良於下坐勃然進曰望佞邪之人欺詔無狀願勿受其觴太守歛容而止燕罷轉良爲功曹耻以言受進終不肯謁時蹀躞將軍東平王蒼聞而辟之署爲西曹蒼甚相敬愛上疏薦良臣聞爲國所重必在得人報恩之義莫大薦士竊見臣府西曹掾齊國吳良資質敦固公方廉恪躬儉安貧白首一節又治尚書學通師法經任博士行中表儀宜備宿衛以輔聖政臣蒼榮寵絕矣憂責深大私慕公叔同升之義思於臧文竊位之罪敢秉愚瞽犯冒嚴禁

合浦郡不產穀實而海出珠寶與交趾比境常通商販鬻糴糧食先時守宰並多貪穢詭人采求不知紀極珠遂徙於交趾郡界於是行旅不至人物無資貧者死飢於道會稽上虞孟嘗到官革易前敝求民利病曾未踰歲去珠復還百姓皆反其業商貨流通稱為神明以病自上被徵當還吏民攀車請之嘗既不獲進乃載鄉民舩夜遁去隱處窮澤身自耕傭隣縣士民慕其德就居止者百餘家桓帝時尚書同郡楊喬上書薦孟嘗臣前後七表言故合浦太守孟嘗而身輕言微終不蒙察區區破心徒然而已嘗安仁弘

義耽樂道德清行出俗能幹絕羣前更守宰移風改  
政去珠復還飢民蒙活且南海多珍財產易積掌握  
之內價益兼金而嘗單身謝病躬耕壟次匿景藏采  
不揚華藻實羽翮之美用非徒腹背之毛也而沈淪  
草莽好爵莫及廊廟之寶弃於溝渠且年歲有訖桑  
榆行盡而忠貞之節未謝聖時臣誠傷心私用流涕  
夫物以遠至爲珍士以稀見爲貴槩木朽株爲萬乘  
用者左右爲之容耳王者取士宜拔衆之所貴臣以  
斗筲之姿趨走日月之側思立微節不敢苟私鄉曲  
竊感禽息亡身薦賢

臣聞洪水橫流帝思俾乂旁求四方以招賢俊昔孝  
武繼統將弘祖業疇咨熙載羣士響臻陛下啟聖纂  
承基緒遭遇尼運勞謙日昃惟岳降神異人並出竊  
見平原處士彌衡年二十四字正平淑質貞亮英才  
卓犖初涉藝文升堂觀與目所一見輒誦於口耳所  
暫聞不忘於心性與道合思若有神弘羊潛計安世  
默識以衡準之誠不足怪忠果正直志懷霜雪見善  
若驚疾惡若讐任座抗行史魚厲節殆無以過也鵲  
鳥累百不如一鶚使衡立朝必有可觀飛辯騁辭溢  
氣全涌解疑釋結臨敵有餘昔賈誼求試屬國詭係



單于終軍欲以長纓牽致勁越弱冠慷慨前世美之  
近日路粹嚴象亦用異才擢拜臺郎衡宜與爲比如  
得龍躍天衢振翼雲漢揚聲紫微垂光虹蜺足以昭  
近署之多士增四門之穆穆鈞天廣樂必有奇麗之  
觀帝室皇居必蓄非常之寶若衡等輩不可多得激  
楚陽阿至妙之容掌技者之所貪飛兔騁襲絕足奔  
放良樂之所急臣等區區敢不以聞

衡書

臣繇言臣自遭遇先帝忝列腹心爰自建安之初王  
師破賊關東時年荒殺貴郡縣殘毀三軍餽饌朝不  
及夕先帝神略奇計委任得人深山窮谷民獻米豆

道路不絕遂使彊敵喪膽我衆作氣旬月之間廓清  
蟻聚當時實川故山陽太守關内侯季直之策尅期  
成事不差毫髮先帝賞以封爵授以劇郡今直罷任  
旅食許下素爲廉吏衣食不克臣愚欲望聖德錄其  
舊勲矜其老困復畀一州俾圖報效直力氣尚壯必  
能夙夜保養人民臣受國家異恩不敢雷同見事不

言  
季直表

昔百里蹇叔以耆艾而定策甘羅子奇以童冠而立  
功故書美黃髮而易稱顏淵固知選士用能不拘長  
幼明矣乃者以來海内察舉率多英雋而遺舊齒衆

論不齊異同相半此乃承平之翔步非亂世之急務也。夫欲救危撫亂修己以安人則宜卓犖超倫與時殊趨震驚鄰國駭動四方上當天心下合人意天人既和內省不疚雖遭凶亂何憂何患昔楚葉公好龍神龍下之好偽徹天何況於真今處士任安仁義直道流名四遠如今見察則一州斯服昔湯舉伊尹不仁者遠何武貢二龔名竹帛故貪尋常之高而忽萬仞之嵩樂面前之飾而忘天下之譽斯誠往古之所重慎也。甫欲鑿石索玉剖蚌求珠今乃隨和炳然有如皎日復何疑哉誠知晝不操燭日有餘光但愚

情區區貪陳所見

蜀秦宏奏  
記劉焉

晉孝武帝時朝廷方以秦寇爲憂詔求文武良將可  
以鎮禦北方者謝安以兄子玄應詔郝超聞之歎曰  
安之明乃能達衆舉親玄之才足以不負所舉衆咸  
以爲不然超曰吾嘗與玄其在桓公府見其使才雖  
履展間未嘗不得其任是以知之玄募驍勇之士得  
劉牢之等數人以奉之爲參軍常領精銳爲前鋒戰  
無不捷時彌北府兵敵人畏之

臣聞求賢暫勞垂拱永逸方之疏壤取類導川伏惟  
陛下道隱旒纁信克符望六飛同塵五讓高世白駒

空谷振鷺在庭猶思隱鱗卜祝藏器屠保物色關下  
委裘河上非取製於一狐諒求味於兼采而五聲倦  
響九工是詢寢議廟堂借德輿阜臣位任隆重義兼  
家邦實欲使名實不違微倖路絕勢門上品猶當格  
以清談英俊下僚不可限以位貌竊見秘書丞琅邪  
臣王暕年二十一字思晦七葉重光海內冠冕神清  
氣茂允迪中和叔寶理遣之談彥輔名教之樂故以  
暉映先達領袖後進居無座雜家有賜書辭賦清新  
屬言玄遠室邇人曠物疎迫親養素丘園台階虛位  
庠序公朝萬夫傾望豈徒荀令可想李公不亡而已

哉前晉安郡侯官令東海王僧孺年三十五理尚棲  
約思致恬敏既筆耕爲養亦傭書成學至乃集螢映  
雪編蒲緝柳先言往行人物雅俗非泉遺儀南宮故  
事畫地成圖抵掌可述豈直聽鼠有必對之辯竹書  
無落簡之謬陳生鎮雅俗弘益已多曾孺坊對不休  
質疑斯在並東序之祕寶瑚璉之茂器誠言以人廢  
而才實世資臨表悚戰猶思未允不任下情

臣防爲  
黃楊州

作薦

十長

臣聞大朴旣虧則高尚之標顯道喪時昏則忠貞之  
義彰故有洗耳投淵以振玄邈之風亦有秉心矯赤

以敦在三之節是故上代之君莫不崇重斯軌所以  
敦俗訓民靜一流競伏惟大晉應符御世運無常通  
時有屯蹇神州丘墟三方圯裂兇且絕響於中林白  
駒無聞於空谷有識之所悼心大雅之所歎息者也  
陛下聖德嗣興方恢天緒臣昔奉役有事西土鯨鯢  
旣懸思宣大化訪諸故老搜揚潛逸庶武羅於羿浞  
之墟想王蠋於亡齊之境竊聞巴西譙秀直操貞固  
抱惠肥運揚清濯波于時皇極邁道消之會羣黎蹈  
顛沛之艱中華有顧瞻之哀幽谷無遷喬之望凶命  
屢招奸戚相逼身寄廟吻危同朝露而能抗節玉立

誓不降辱。杜門絕跡。不面僞庭。進免龔勝亡身之禍。  
退無薛方詭對之譏。雖園綺之棲商洛。管寧之默遼  
海。方之於秀。殆無以過于今。西土以爲美談。夫旌德  
禮賢化道之所先。崇表殊節聖詰之上務。方今六合  
未康。豺豕當路。遺黎偷薄。義聲弗聞。益宜振起道義  
之徒。以敦流遯之敝。若秀蒙蒲帛之徵。足以鎮靜頽  
風。軌訓器俗。幽遐仰流。九服知化矣。世溫爲譙

武太后命宰相各舉尚書郎一人。仁傑舉其子光嗣。  
拜地官員外郎。已而稱職。太后喜曰。卿足繼祁奚矣。  
通事舍人元行冲博學多通。仁傑重之行冲。數規諫。



以將相  
連上

仁傑曰。凡爲家者。必有儲蓄。脯醢以適口。參朮以  
攻疾。僕竊計明公之門。珍味多矣。行沖請備藥物之  
末。仁傑笑曰。吾藥籠中物。何可一日無也。

武太后嘗問仁傑。朕欲得一佳士。用之誰可者。仁傑  
曰。未審陛下欲何所用之。太后曰。欲用爲將相。仁傑  
對曰。文學蘊藉。則蘇味道。李嶠固其選矣。必欲取卓  
犖奇才。則有荊州長史張柬之。其人雖老。宰相才也。  
太后擢柬之爲洛州司馬。數日。又問仁傑。對曰。前薦  
柬之。尚未用也。太后曰。已遷矣。對曰。臣所薦者。可爲  
宰相。非司馬也。乃遷秋官侍郎。久之。卒用爲相。仁傑

加前數  
人方稱  
美李

又嘗薦夏官侍郎姚元崇監察御史曲阿桓彥範太  
州刺史敬暉等數十人率爲名臣或謂仁傑曰天下  
桃李悉在公門矣仁傑曰薦賢爲國非爲私也